




REPUBLIKA E KOSOVËS  
REPUBLIKA KOSOVA - REPUBLIC OF KOSOVA  
KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



Kandidatët pjesëmarrës për aplikim për licencë të KPM-së, në bazë të konkursit të shpallur më 27 shtator 2019, për Komunën e Istogut:

**Kandidati:** "Radio Istogu" SH.P.K.

**Numri i Biznesit:** 810139404

**Pronar:** Liridon LIPAJ

**Emri i propozuar:** Radio ISTOGU

**Adresa:** Rr/ Rinia

Istog

**Kodi i kandidatit:** R1

Ref: 1912/1442/LIC/ni

## VENDIM

për licencimin e kandidatit R1 për transmetim të radio programeve me mbulim që i përket kategorisë lokale në Komunën e Istogut

### Fakte

1. Komisioni i Pavarur i Mediave (KPM) është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbime mediale audio dhe audiovizuale.
2. Në bazë të Ligjit nr. 04/L-44 (Ligji për KPM), neni 3, paragrafi 2.1, KPM licencon transmetuesit publik e privat dhe i ripërtërin licencat, duke iu dhënë subjekteve të autorizuara të drejtën e përdorimit të frekuencave në Spektrin e Frekuencave të Transmetimit si dhe licencon të gjitha shërbimet mediale audiovizuale.
3. Neni 3, paragrafi 2.6, i Ligjit për KPM-në, i jep kompetencë dhe e obligon KPM-në që të nxjerr akte nënligjore për rregullimin e transmetimit dhe shërbimeve mediale audiovizuale, të cilat shërbejnë për të kryer funksionet e saj në pajtim me standardet ndërkombëtare.
4. Në pajtim me nenin 23, paragrafi 1, të Ligjit për KPM-në, më 27 shtator 2019, KPM-ja ka shpallur konkurs publik për dhënien e licencave të reja për transmetim lokal të radio programeve në Komunën e Istogut. Konkursi ka qenë i hapur nga data 27 shtator 2019

deri më datën 27 tetor 2019, ora 16:00, ndërsa më datën 25 tetor 2019, KPM-ja ka marrë vendim për zgjatjen e afatit të konkursit deri më datën 8 nëntor 2019, ora 16:00.

5. Konkursi publik është zhvilluar mbi bazën e Ligjit dhe akteve nënligjore të KPM-së, të nevojshme për plotësimin dhe parashtrimin e aplikimit për licencë të KPM-së që janë:
  - Rregullorja për Ofruesit e Shërbimeve Mediale Audio dhe Audiovizuale (KPM-2017/02);
  - Rregullorja për vlerësimin e aplikacioneve (KPM-2014/02); dhe
  - Rregullorja për Tarifën Vjetore për Licencë (KPM-2017/06).
6. Kandidati R1 ka dorëzuar aplikacioni brenda afatit për aplikim, mirëpo jo të kompletuar në KPM, në pajtim me konkursin publik.

### Arsyetim

7. Vendimi i KPM-së për dhënien e licencave të reja është bërë mbi bazën e nevojave të publikut dhe kapaciteteve të lira frekuencore në ato komuna të Republikës së Kosovës, ku është vlerësuar se ka mungesë të shërbimeve mediale radio me mbulim lokal dhe regjional, si dhe në ato komuna ku është kërkuar që të krijohet mundësi për pluralizëm medial.
8. Neni 21, paragrafi 1, i Ligjit për KPM-në, thekson se: *“Për të ushtruar transmetim në Kosovë sipas kushteve të këtij ligji kërkohet licenca për transmetim, të cilën e lëshon KPM-ja”*.
9. Neni 22, paragrafi 4, pikat: 4.1, 4.2, 4.3, 4.4 dhe 4.5, të Ligjit për KPM-në, përcakton kriteret kryesore mbi bazën e të cilave KPM-ja vlerëson aplikacionet e kandidatëve për dhënien e licencës së KPM-së.
10. Në takimin e mbajtur më datën 6 dhjetor 2019, si dhe në takimet tjera në vazhdim Komisioni për Vlerësimin e Aplikacioneve ka konstatuar se aplikacioni i kandidatit R1, nuk është dorëzuar i kompletuar në KPM dhe në pajtim me Rregulloren KPM-2017/02, duke i plotësuar në tërësi kushtet kualifikuese për licencë të KPM-së.
11. Kandidati R1 nuk ka arritur që t’i plotësojë kushtet kualifikuese për licencë të KPM-së, për shkak se:
  - a) Ka ofruar dëshmi për kualifikim superior jo adekuat për personin përgjegjës për çështje programore.

## Vendim

12. Komisioni në takimin e tij të mbajtur më datën 24 dhjetor 2019 merr vendim që kandidatit R1 – Radio ISTOGU t’ia REFUZOJË kërkesën për licencë të KPM-së, mbi bazën se nuk kanë arritur që t’i plotësojnë në tërësi kushtet dhe kriteret kualifikuese për t’u pajisur me licencë të KPM-së.

### E drejta për Ankesë

13. Kandidatit Radio ISTOGU në bazë të Ligjit për Komisionin e Pavarur të Mediave (Ligji nr. 04/L-44), i njihet e drejta e ushtrimit të ankesës ndaj këtij vendimi.
14. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
15. Bordi për Ankesa do t’i merr parasysh vetëm ankesat e bazuara në informacione ligjërish të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.

### Lëshimi i Vendimit

16. Këtë vendim e lëshon Komisioni, dhe i njëjti hyn në fuqi që nga data e nënshkrimit të tij.

  
Muja FERATI  
Kryetar  
KOMISIONI I PAVARUR I MEDIAVE



24. 12. 2019.  
datë